

Reglamento di shelter

- Ta prohibi pa huma, y/of haci uso di alcohol of otro substancianan ilegal den shelter.
- Ta prohibi pa tin arma.
- No tin facilidad pa cushina den shelter.
- Na momento cu e mal tempo pasa y cu e 'Toque de Queda' keda revoca, bo lo wordo pidi pa bandona e shelter y regresa bo cas.
- Si bo cas a haya hopi daño, bo ta wordo permiti pa hospeda den e shelter pa un maximo di 72 ora, pa bo por haci un areglo di vivienda.
- Cada persona tin cu haci e area limpi cu a wordo usa den e shelter.
- Daño causa na pertenencianan of propiedad di shelter lo mester paga bek of lo wordo cobra.



Bureau Rampenbestrijding
Wayaca 33-E
Tel: 588-0100 /Fax: 588-7848
Email: crisis.mgmt.off@setarnet.aw

Shelter pa Horcan



Foyeto di Informacion

Informacion di Shelter

- 1. Desaroya un plan di famia pa preparacion di horcan prome cu un menasa real presenta pa nos isla.**
 - Si bo no ta sintibo sigur den bo cas durante un mal tempo, ta bo deber di planea hunto cu bo famia na unda boso lo bay. Tuma contacto cu familiarnan, bisiña, amistadnan y haci un areglo.
- 2. Si bo persona a dicidi di bandona bo cas, no warda te na ultimo momento.**
 - Bandona bo cas na tempo pa bo no keda pega den trafico.
- 3. Sigura di tank bo auto 1 of 2 dia prome cu e yegada di e mal tempo.**
- 4. Si no tin posibilidad pa keda serca familiar, amistad of bisiña, e ora e ultimo recurso ta pa bay un shelter.**
 - No lubida cu un shelter no ta diseña pa comodidad y no ta acepta ningun sorto di animal domestico. Tuma contacto cu un animal shelter of bo veterinario.
- 5. Escoge e shelter cu ta mas serca di bo cas**
- 6. Na momento cu un Alerta di Horcan wordo emiti (Dentro di 48 ora por surgi condicion di horcan ariba nos isla), kiko bo mester haci prome cu bo bay na e shelter. Deshaci di obhe-tonan peligroso cu por bula manera proyectil destruyendo bo cas of cas di bisiña.**

7. Na momento cu emiti un Aviso pa Horcan (Dentro di 36 ora horcan lo ta eminente riba nos isla) y bo a dicidi di bandona bo cas, haci lo siguiente:

- Pa proteha bo propiedad ta sugeri pa cubri bentana y portanan cu plywood.
- Paketa tur loke bo tin planea di hiba den bo auto.
- Notifica bisiña/amistadnan cu abo y bo famia ta bay busca refugio na un otro lugar y con bo por wordo contacta si ta necesario. (number di celular).
- Sigura bo cas kitando conexion di coriente, sera valve di awa y gas.
- Cuida bo animalnan domestico di cualkier peliger haciendo areglo pa segura nan durante e pasada di mal tempo.
- Pa mas informacion consulta e buki informativo di Horcan.

Shelter pa horcan

Tin diferente shelter pa horcan situa riba nos isla. Den caso di horcan e localidad di cada shelter lo wordo anuncia.

Kiko bo mester hiba cu bo ora bo ta bay un shelter

- **Awa:** minimo 1 galon pa cada persona pa dia, pa un duracion di 3 pa 7 dia.
- **Cuminda:** minimo pa 3 dia.
 - Cuminda seco y di bleki cu no ta dañá lihe
 - Juice
 - Cuminda special pa baby y hende grandi
 - Snacks.
 - Articulo di habri bleki manual
 - Tayo, forki y cuchara di plastic
- **Klechi, cusinchi,** cot of slaapzak.
- **Extra paña**
- **First Aid Kit/remedi/remedi prescribi**
- **Articulan special;** pa baby y hende grandi
- **Articulo pa hygiene personal**
- **Flashlight/bateria.**
- **Radio;** cu ta usa bateria.
- **Placa efectivo;** (placa larga) Credit Card - Banco y bancomatico lo no ta disponibel pa un periodo indefini.
- **Articulo pa entretene;** cos di hunga, buki, wega.
- **Documentonan importante:** sigura tur articulo di importancia y balor den contenido di plastic - seguro di cas, caarchi AZV, number di cuenta bancario, paspoort, ID, rijbewijs, diploma, documento di residencia, acta di nacemento y matrimonio etc...